

蕭冰崖詩集拾遺

蕭冰厓詩集拾遺卷中

九世從孫蕭

毓謹編
敏拜刊

五言古體

賦曾氏江亭

江國愜幽尚復此塵外亭
朱闌出煙雨掩
萼交回汀野鷺自爭食
霜鷗飛冥冥如何
漁翁醉大浪搖不醒

賦曾氏醉月亭

開元盛時月曾照謫仙醉
有月尚可飲仙

人渺千祀不恨仙人死恨此明月非徘徊
復徘徊目斷青山磯

蒼玉洞分韻得淺字

霜林無留紅石氣寒翦翦春風何時來王
樹破花璽聊持一樽酒陟此雲外巘流香
入詩脾汲影漱清淺

燒楮

何人斧空谷斷根委柯莖或如蛟虬蟠或
如虎豹擗首尾鬚鬣具一一皆可名老夫
傍地爐溫與挾纊并彼美紅爐獸光彩生

簷楹出處諒所同
竅鑿非天成
我今不作我卿亦自用卿

五言律詩

歲晚

歲晚仍為客
朝晴故作陰
雨花添浪白
雲樹隱江深
留滯寧吾土
艱危獨此心
一瓢終藉汝
投老遂追尋

觀趙月林春雨詩卷有感次韻

天上須名託人間
好句休忽看
疑子在翻閱
得子愁斜日
吟身獨酸風
冷淚流不忘

犬亦壽月淡百城秋

江上有懷

凍雨年催盡羈愁夢作歸風塵雙鬢短宇
宙寸心微長此憂危集終然計慮非甲裳
生已免未得怨無衣

近有

近有西來報愁心
渺夕陽南荒仍要害大
理隔存亡應變諸公屢防秋
四序忙古來形勝地
豹虎謾披猖

浙江亭

塵世無窮事寒潮往復來江流限吳越海
道接蓬萊多難期如客緣情故得哀誰令
天柱旻浩浩不能回

歸至三衢懷芸莊兄留京

午熱猶疑夏宵寒不似秋獨歸仍念遠久
客得無愁白酒村村市黃花處處樓不緣
風雨色吾欲理扁舟

陳西嶗挽詞二首

去國年猶在深城早卜居寧尋少游語不
作子公書晚日靈光殿春風下澤車空同

有生意千載愧曹蜎

又

不盡胸中蘊康時與致君
未應才執戟忽去作修文
清節梅花屋閑身馬鬣墳
銘旌瞻不及雙淚落南雲

北林羅樞使挽詞

扶日勲庸大公胡遽止
斯人間何可棄天下尚堪
爲太史春秋筆蒼珉德政
碑不遺毫髮恨塵宇自生
悲

病起

柳暗春歸近
牕明夕照回
悠悠度長日
稍稍遠飛埃
山霧晴仍濕
園花落更開
經旬欲斷酒
門巷只蒼苔

船幹陳祥卿挽詞二首

練練才如許
蒼蒼不可求
憂時一編墨
賁志九京秋
薦語諸公重
危機百慮周
風塵仍歲歲
恨與大江流

又

與我生同月
君鞭着便先
艱難期用大
植立想無前
功在通閨近
身隨薦墨顛
懷然

怨此世非止故人憐

出郭

野徑村平樹人家石斷流南雲偏有瘴楚
水欲無秋素履行忠信浮生任去留尊前
古今意吾道信悠悠

丙辰歲起

雪意蘇寒瘴雲陰失夕陽微官遠兄弟愁
鬢入風霜故國梅花夢新年竹葉觴不眠
應守歲燈影隔鄰牆

太平寺元羅寇故基

歲月吾生晚兵戈此地曾山川如有數險
阻爾何能煙雨桑麻利簞瓢粥飯僧憑閑
供一嘯深谷或為陵

過吉水

路暗元非夕山明忽作陰年荒官糴重野
迥客愁深遠水分漁窟飢鳥集社林終更
眠未穩感慨起長吟

茶陵道中

山深迷落日一徑窅無涯老屋茅生菌饑
年竹有花西來無道路南去亦塵沙獨立

蒼茫外吾生何處家

次阮雲心泛湖

湖上三更酒西風一葉身水明花近眼燭
暗月窺人識面頻驚晚論交未覺新清詩
如雪露一洗簿書塵

再韻荅前人二首

畸客殘僧寺在床獨夜身乾坤為正統猶
獠爾何人夢破驚秋短愁多入鬢新望霓
空感慨赤日雨如塵

又

遠道人懷古長愁屬有身青燈猶念客白
髮不饒人牢落家何在顛危事轉新種桃
堪借地吾欲離風塵

又荅前人二首

落日騷蘭國滄洲水鶴身淮南招隱賦同
谷念歸人離落秋聲入西南局勢新可憐
潘岳輩只待拜車塵

又

水氣收荷影闌干出榭身可憐秋月下不
著夜吟人花冷侵衣薄茶甘汲井新滿懷

黃葉夢正墮九街塵

已未作

鄉夢三年闊秋風一月深雲寒衣納納沙
遠樹淅淅茲事寧無古斯人更有今夕陽
江上路飛鳥尚爭林

趙玉牒夫人挽章

天胄中良貴刑家入閭儀青山驚托體白
髮負齊眉命世堅珉筆懷仁雜佩詩茂林
封不朽落月度漣漪

落日

落日橋明水煙斜垣遶村覓泉魚養子樊
棘竹生孫蝌蚪古文字鷓鴣人語言仙翁
薺薺共聊復且清樽

和洪倅陳元德韻同庚

仕隲同年面詩尋晚歲盟猶堪永今夕未
覺負餘生湖近官居好梅寒客意清何須
愁夜雨百草為春榮

還陳倅蓋山集

讀盡三更雨淒其萬古心義霑風賦見工
到柳韋涿湖海誰同味乾坤屬苦吟東家

顰亦醜吾力自難任

次黃後谷送吳實堂中韻

投老須微祿謀生後計然
燕寒無空壘犢倦有閑田
白髮猶行役青山莫使年
袂疇遽知許心折馬蹄前

樹老

樹老仍初葉山寒正晚花
孤舟雙港水新燕舊人家
何處依劉表誰歟異孟嘉
西山供拄頰隨意數歸鴉

湖海

湖海千年夢家山亥日虛舊巢新燕入今
雨故人疎貧賤猶須祿行藏不失書卿如
用卿法吾亦愛吾廬

題危叔陽蘭雪詩卷下

閩號詩應似蘭清雪與研時妝羞倚布古
調入無絃谷泚如冰冷驪翁此道傳客牕
寒燭短吟到晚鍾前 又次見寄韻

道路空愁我湖山喜得君客閑詩有思春
重樹無痕遮日怜頭白治書怯雨昏可人
期未得馬頸

次韻謝吳宜齋

風誼今湖海交遊獨子推
軟塵勝道戰清氣壓囊詩
谷派誰能續靈風漸許卑
廟堅吾豈敢猶欲起疲師

次韻曾楚山見寄

我爾梅花國書來歲月深
熟知生世理老盡別時心
鴈信邊聲落霜空海氣沉
鬢毛相對白可惜不同吟

挽龍梅癯

湖海青燈舊山林白髮長
進書猶秘府封

斧忽崇岡文墨流千古功名付二郎長年
不忘念來些謾悲涼

次李鶴雲見寄

老病吟詩廢愁煩送日過時危江陸變路
斷虎狼多昔夢來今雨長懷入短歌行藏
吾自了匣鏡不須磨

送惠教諭之興國任

縣官崇化育君復一甌青吾道春回谷諸
生刃發硯岷山開浩蕩瀾水見儀刑要使
民鄒魯飛騰邁迅翎

食盤兔

獵戶初登網庖丁亦奏刀毛皮盡剥落風味足烹熬喜有開樽適誰知逐野勞微吟供一笑爾狡謾稱豪

七言絕句

越一月復以憲檄按死事于撫之溪署中望疎山不得往歸宿永興寺拜象山先生墓而後行兼旬得詩如前之數可發一笑為後山行云

偃仰當日謾能工刻楮何如造化功乞巧

從渠兒女道自書拙賦上屏風

右七夕

落日平江晚最奇
白龍鱗換紫玻璃
老兵絕叫客爭渡
催得船來失却詩

右武陽渡

尋僧閑事為官忙
人指雲生是上方
少避歸牛尋曲徑
野田黃雀閑斜陽

右西林寺

日日北風江倒流
木綿著花人索裘
西津渡口半船月
秋在芙蓉十里洲

昨夕涼颼半點無也無林影避行車秋雲
一蟻踈山曉欲徃從之畏簡書

右踈山道中

客子入門鍾梵喧菩提樹老不知年竹牕
有月無人管一夜秋風落筧泉

右方廣寺

轉枕移書就晚風晴牕雲掩樹重重如何
客裏無詩得日聽鳴蟬夜聽蛩

九月以檄至九江雜賦

東西林二首

廬山山裏石頭路我自舍車便杖藜西林
雲物古時塔東林秋聲堂下溪
遠公與客亦從容未至當年似懶慵送過
虎溪元不惡不妨門外聽松風

圓通寺

江南開山松十圍石耳德色坡翁詩胡孫
夜半叫絕壁宿客夢回風雨時

靖節先生祠

柴桑祠前松菊秋清風天地與同流宅山
之石可攻玉攬掇先生是督郵

太平宮賦聽雨

僊人喜作狡獪事
幻此溪聲成雨聲
我聽以心非以耳
是溪是雨本分明

琵琶亭二首

天涯偶爾傷流落
聊復吟情寄水雲
說夢癡兒千載後
郵亭有曲不堪聞

魯男子事無人記
此地琵琶更結亭
獨倚闌干成一笑
晚風低鴈著寒汀

食蟹九首

噴目相如長是怒
它腸衛綰本來無
江湖

結客知多少識面微生只蔡謨

橫行頗有壯士氣黃中似是君子人當年
水底緣誰怒此日樽前有許珍

人間族系遍湖海豈亦避秦之子孫似是
外黃坑向盡內黃一種至今存

諸公俎豆亦風流肥脂何曾為羣謀欲免
鑊湯君自擇速營將老有糟丘

紛紛炙熱揔成擒束縛歸來若不禁出涸
陰鄉奚所恨煌煌堂上禍機深

新酒黃花秋滿城看渠敲齮可憐生前身

水庄 中 十二
豈亦為書悞死則從人五鼎烹

霜前入市勿增價聞揀團臍作席珍知味

失題

人事幾何千載長南州一夢亦荒涼浮雲
忽散秋空曉雙井如今水亦香

毛竹山四首

租地編茅且數椽孤懸浮寄亦堪憐山深
無復農桑事別有人間種藥田

山圍水匝徑百里樹老苔封知幾春誰遣

五丁開棧徑當時疑有避秦人

雲間樵子罕曾逢時有携鏡採藥翁樹樹
山猿搖落日樵林無實老秋風

道傍虎迹大如筵落日平林客子驚問宿
轉灣知有店山根一路笕泉聲

一翠亭二首

隔水山青欲染衣一簷雲影樹高低白鷗
似笑客塵土飛過亭前却下溪
緣雲覓路石鈎衣山谷曾來尚有碑黃帽
打船催客去一欄秋思是誰詩

失題

涿水茫茫何處邊
此臺名姓為誰傳
未論跨鯉當年事
有許溪山意亦僊
臺上秋風草木疎
臺前清泚數遊魚
謫僊他日騎鯨去
未必三生不是渠

題揭梅牕詩卷二首

吟得秋痕入鬢髭
梅花牕下一編詩
梅花奇處君知否
不在春風爛熳時
金膏水碧須滄海
萬里揚帆東更東
我輩欲為千歲計
古人還是幾生功

題東畝陳上舍吟藁二首

右山詩法似參禪
參到無言意已傳
莫以家鷄踈野鷺
短檠踈雨月光前
君家詩有簡齊翁
南渡流離語更工
好繼翁詩致華要
墨梅題入御屏風

題黃立軒西湖百詠三首

東南詩境有湖山
愛子敲成百詠看
歷歷眼中都過盡
一檠風雨客牕寒

欲雕好句老經行
讀子清吟客夢醒
意象見前無筆力
一如前輩說西銘

王氣隨潮到海壖出湖車馬下湖船可憐
萬事如春夢艷舞清歌過百年

題危定之芳洲吟卷

危浣書燈蛾詩云三生炙手權門
者此日趨炎態未除汝自燃臍何
所恨可憐遺臭入詩書

篝燈細讀芳洲卷清似江南雪外枝吟到
蛾燈最奇崛猩毛筆後有君詩

題穆叔晦雨淨風香亭三首

厭簷秋影玉參差小小游亭面面詩扁著

爭香堪一笑渠香元不要人知

風標王謝佳子弟氣岸夷齊舊典刑騎馬
紛紛塵及腹幾人愛此竹間亭

別久重來有此亭鳴球敲筑碎風櫺却憐
客鬢垂垂白不柰霜枝冉冉青

老嘆

學不前人生謾前老來嫌怕占人先只便
歲晚屠蘇酒後飲翻成最少年

寄題鄒氏觀梅亭二首

歲晚纔花花已遲於春何意獨先知由來

遲底應偏耐不看南枝看北枝
詩人愛梅說道理弄影團香未覺難枝上
乾坤參得透不妨來此倚闌干

次韻鄭琴山併謝中書君之貺三首
詩來執熱濯寒涼剪剪西風破玉蓉二十
年間四方恨不教東野化為龍

我屋梅花為客栽吟梅君獨未能來山中
欠了連床約却對西湖笑口開
落筆何能觀堵墻山間只合傲羲皇慙君
遺我湘枝束愁與吟鬢一樣霜

送雪溪徐高士之越三首

清吟未了又成行是處青山入瘦藤兩袖
曉風荷葉露自搖明月渡西興

鴈鴈欲啼江上秋舊題詩在水邊樓潮風
一夜移帆去明日書來是越州

團扇應堪障夕暉晚涼猶嫩且練衣去時
寬著秋風擔留貯千岩萬壑歸

題楊達可梅樓二首

何掾向來吟有閣楊家今日築為樓看他
壓盡凡花倒只放詩人出一頭

先生豪氣元龍似眉骨凜凜閩山秋從渠
俗子臥地下不是梅花不上樓

校文京庠呈黃立軒朱南湖十首

十日工夫不到詩繩床兀兀夕陽低黃昏
幾點敲牕雨又是西風趙木犀

舊嫌詩被西湖隔一笑誰教却此同為有
簡書閑不得不知吟鬢又秋風

西山南浦住經時又住吳山送落暉燕子
不知家近遠年年秋社一番歸

自携文校短長隔簾人靜雨滄浪龍公

倒捲西湖水一夜滿城荷氣香

遠枕驚回昨夜秋月痕依約去年愁移床
欲避梧桐去誰有西風背處樓

籠羹飯鼓動回廊乍換生練浴晚涼雙鵲
自閑來又去不知簾底有人忙

雪繞冰圍不可支輕紈那得敵炎威雷公
惡發夜來雨試問熱官何處歸

山水宜秋風雨後坐窓得瘦柰愁何傳聞
近長湖船價天氣乍涼遊子多

頭腦泔泔醉夢中起梳短髮受西風青練

要換秋來着自汲寒泉濯軟紅
月過闌干客睡遲官河桐葉學鴉飛鬢絲
不了三千丈也費秋蟲促夜機

題脩水黃公端梅溪二首

種近春風鼎鼐家竹籬茅舍亦光華開時
不作尋常實着眼溪頭看此花
此地梅花非隱淪向來雙井屬詩人如今
添着調梅手却與江南作好春

偶成

雨妬遊人故作難禁持閑了下湖船城中

豈識農耕好却恨慳晴放紙鷁

絕句四首

月落雲牕黑如漆一紙家書燈下筆不知
昨夜秋淺深五更枕前啼蟋蟀

官河中有去來舟舟上無人記得愁千年
城郭送白日舊雨客來今雨樓

風雨城中秋幾家城根細草亦秋花一聲
綠樹烏啼晝睡起隔簾人賣茶

翠玉玲瓏朶朶嬌熟衣裁得替生綃都人
不識悲秋苦只等西風出看潮

題仇仁近山村圖

帝城誰有青山夢洗眼新圖竹樹村此地
何須戶司馬斷無人與子爭墩

夏夜納涼

竹夫人有專房想麴秀才難折柬招一卷
桐陰風不動避燈坐過月平橋

題傅德藻月湖小舟集

龍驤百斛與湖宜舟小何堪月四圍認取
坳堂置杯意漆園此語是詩機

九月十日府委撞點巡鋪馬上得四

絕

更闌持檄走烏衣立馬堦除月上時急喚
睡魔君且去天街聊作看燈嬉

天上斜河星滅明人間宮漏隔重城老兵
幾度撓前立一簇寒燈聽點名

家家門巷月徘徊洗淨街聲鼻觀雷幾處
狹斜和夢過喝更人逐馬蹄來

雲母燈光夜向闌乾坤都在夢中間街頭
月好無人看十二闌干相對閑

北新橋發舟

看詩未了不成眠自揭吟蓬月滿川幾日
秋晴夜來雨五更半港木犀船

垂虹橋三首

湖光秋色渺蒼寒一似前時盡得看盡裏
人家渾不覺夕陽留客倚闌干

湖天已闊秋更闊收拾不得難為題欲把
平生詩擔子換三間屋住橋西

三百里湖橋柱西誰將并剪上秋機短船
不愛閑風月載得吳松落照歸

范蠡祠二首

響屨廊空王氣銷五湖煙雨送歸橈
鴟夷出自吳宮裏却載沉胥起怒潮
載得蛾眉共五湖風流應是阿甄如
越王不作曹瞞語殺賊今年正為渠

姑蘇臺五首

金楣玉几翠雲裘那識春風半點愁
麋鹿也疑知正色不應還上此臺遊

間關薪膽有誰知正是蘇臺歌舞時
可惜不如陳後主吳宮無井甃臙脂

當年忠死亦堪冤千古遺編為斷菟
此恨

老天疑未了長教明月照胥門
娃館繁華事幾年墮鈿遺珥尚依然
流香膩粉歸何處都入春風小研牋
荒荒灌木長煙苔人道吳王此築臺
一望等閑三百里未應無見越兵來

第四橋二首

黃帽牽船客自搖水花壓岸送歸潮
晚風忽斷疎篷雨秋在煙波第四橋
自折孤樽擘蟹斟荻花洲渚月平林
一江秋色無人管柔艣風前語夜深

出船

筆床茶竈且追隨
不管征塵浣客衣
三百里秋詩卷裏
擔頭挑得大湖歸

市

西風無夢此江頭
落日闌干小畫樓
鄉信不來秋信早
鴈奴閑在荻花洲

畫卷四蟲

燈蛾

是兒欲踞吾火上
自是從來被眼迷
只道近前貪炙熱
不知流禍及然臍

蠅虎

攘臂胥䟽自長雄投機巧中疾如風死諸
葛走生仲達却與淮南策雋功

蛙

君王坐底有揖客未覺當年一部譁可恨
人間失蝌蚪却從月裏着蝦蟆

蠹魚

生無一點煙火食死有千年書傳香飲墨
為何疑罰謫成僊緣此信荒唐

太湖石

曾共銅駝荊棘裏也看金谷艷陽時漢唐
著興亡却

姪送曾立道韻三首

帝醉時節會逢人日陰塵世
滄江變平陸孤臣白髮照丹心

長蛇猛虎當道路度密穿青且意行王謝
風流不牢落諸郎還復以詩鳴

山中無復物外想梅花開落又新年人生
已分事多少擬結詩翁向上緣

和曾楚山憶蒼山韻五首

詩來讀罷亦傷神惆悵兩翁蒼蒼與芸聚首
當時慙我少祇今一老獨深雲

芸翁到死不停筆死去蕭然一室居不似
王恭無長物半樓詩板半樓書

梅邊石磴竹邊亭尚記談諧步晚晴夢斷
猶疑翁未死小牕如聽讀書聲

人謂蒼翁只有詩却於世道早知幾

韃舞胡

句辛有伊川後有

兩翁教

句中眼語到

搖松露馬溪藤

題黎橫舟詩卷二首

筆力真能回萬牛不應肯作夜光投都將
碧澗紅泉好壓倒金精水石秋

老來漸不喜狡獪輸與麻姑却少年擲地
丹砂忽璀璨不知有新編

至日

急景自忙人自閑小窓趺坐對南山雪花
到地無尋處都在詩翁兩鬢間

和黃立軒梅詩十首

波流茅靡正堪悲能索能污墨子絲冬令

自玄梅自白此花還有獨醒時

不肯托根桃李場千林搖落正孤芳莫將
香影生分別說着香時影亦香

如梅合是花君子未論孤高壓衆芳不以
玉堂矜富貴何曾茅舍怨荒涼

清絕霜枝冠頂開被人俗了說花魁此花
骨相神仙做市卒能僊為姓梅

讀老子章花似道不嫌雪惡與霜麓能知
其白守其黑長入人間墨畫圖

蒼天變色雪漫漫樹樹江頭帶恨看舊讀

史來今記憶白衣冠客從燕丹
誰折一枝千里信江南曾寄與人誇如今
不柰城頭角僂僂花神也撒花

移竹移松半死生移梅便可主花盟何當
繞屋三千樹撰出人間白玉京

八表同昏江換陸孤山今日又花時感時
澣淚無人見只有當年杜老知

古今有許興亡恨出自煌煌入涸陰惆悵
雪花如席處見梅時節又傷心

謝周平洲花菜雪餅之貺

染鷄鵲粒作春華霜粉熬成亦當家屋下
老翁今詩張盤飢對梅花

贈陳子正造墨

昔人論墨陳為貴子姓為陳業更專問子
去玄知幾世童烏有藝亦能玄

雪夜作

顏雲不動天如醉與夜為謀雪似羞明日
詩成春五鼓一年甲子又從頭

題黎泉山吟卷二首

君吟康樂曾吟處澗碧泉紅秋一春安得

此泉成雨去洗空人世撒花塵
杜說在山泉水清泉山詩好稱詩名如今
山外正多事泉出山來應太平

寄楊隱巖二首

終日垂惟一卷書隱巖名字滿江湖何時
見子華陰道拍手西風下寒驢
老去將詩替却愁誰將此集落巖幽鷄林
增價君能德天關溪藤我自羞

贈畫魚者

人言畫馬落馬腹畫魚須畫北溟鯤化作

大鵬應不惡九萬里翼摩乾坤

贈丁高士三首

洞門鎖冷秋風歸江頭不作玄裳飛我家
鳳石調簫史他家金精期令威

參詩安用走天涯學詩學仙同一家何處
歸來有詩法麻姑擲米作丹砂

山中秋老芋栗肥君歸慚我病支離金椒
遠餉不得酒彌明相逢惟有詩

題丁虛江詩卷二首

江以一虛涵萬象人於方寸著千年勿實

所無空所有亦知詩法似叅禪

華表千年化鶴歸歸來言語亦成詩當時
城郭人民句想見如今更可悲

題曾菊居吟卷

蒼翁宰相今幾尺菊居詩來雙眼明金精
夜半風雨過竹石草木皆成聲

丁筇林吟卷

筇林三生華表鶴乞身歸來羊角山羣仙
御風落何處惟有玉佩響人間

贈熊古月

能卜筭

千載虛中無法傳授之握筭子能玄老夫
後死今為累更欲斬生又問年

贈崇仁吳幼清遜儒入老三首

向來百尺樓上客此日崖前藤一枝賀監
心期人不識越中惟有鑑湖知

風流不落正始後書傳琳琅學古甯收拾
乾坤萬里眼歸來憲下註參同

生天不問靈運後魯公葛洪皆成仙誰能
與我粥飯券持送酒家還酒錢

贈談陰陽者二首

葬書醜唾囊與賤只為人間覓貴饒試問
胡椒八百斛何如陋巷一簞瓢
神工可改命可奪未有人言郭語誣千載
誠翁獨遺恨君能命過日中無

贈廬陵張濟夫陳子豪二首

凝霜截曉小春寒爭道鞭靴行路難客有
儒官敲竹戶老夫猶得漢儀看
枉子過從寂寞濱蕭然薄飯齋生孫奇曾
寧有楊雄字重會空留李白樽

題曹怡軒樵笛吟藁四首

曹家詩有黃初脚江出岷山日夜東機妙
斷輪君爾巧計窮齧鏃我何功

梅未能花雪作難爭春春意為誰慳詩翁
壓倒梅和雪春在一編樵笛間

吟到古人詩近道洗空凡馬盡通神浣花
溪上驚人句剪綠裁紅不當春

論詩厭共流俗語少學衰顏又老來三百
篇中有曹國一千年後欠蕭臺

邀李竹堂過厓下

君是尋詩是探梅柴門幾日為君開厓前

路近行春好只為梅花直一來

題玉庭觀二首

僊家舊館玉為庭白日山前笙鶴鳴
我來願乞丹井水為洗詩書雙眼明

江南絕頂真境界僊子珊珊鳴珮環
千年古井丹不死夜吐玉虹明屋山

收護贈墨者廖景瑞

世界人心黑如墨君持此墨將安適
欲磨君墨上箋天天公憤憤無皂白

題梅莊墨

子墨玄玄梅白白以梅號墨豈其情年來
黑白無分曉墨作梅花賣得行

題梅友吟藁二首

三友風流已畫圖梅猶君友意何如梅言
母友不如已定是君詩也似渠

出處間關似少陵流離顛沛得詩成一編
窻下秋風夜中有蜀江濤浪聲

病起行散

分得紅腰半日晴蒼苔蠟屐竹間亭平疇
白水斜陽外都在黃梅雨裏青

題劍江姚叔宏吟卷三首

寶劍能神雙玉龍地靈人亦萬夫雄千年
紫氣不消歌吐向筆頭生白虹
一編鼻祖晚唐詩姚許齊名岱華低天外
鳳凰須得髓可嗔兒輩厭家鷄
薄飯不羨春薺老枉君遠道轡玲瓏金膏
冰碧須滄海萬里援忱東更東

題劍江甘元英詩號溪山畫譜

一幅亭前溪與山畫無好手記蒼寒如今
有問名亭意只就君家畫譜看

開元天寶雜詠

妖燭

寧王好聲色有人獻燭百炬夜筵
賓妓間坐酒酣作狂則昏昏然如
物所掩罷則復明莫測其恠

燭似無情還有情酒邊故故弄昏明宴酣
盡道誰能覺

玉笛聲

燈婢

寧王於帳前列木雕矮婢飾以綵
繪各執華燈自昏達旦目為燈婢

風流者盡當時事
夜夜擎燈繡帳前
野草荒田自他日
斷無外傳與怜玄

冰山

楊國忠權傾天下有勸進士張彖
謁國忠圖顯榮彖曰汝輩以楊國
忠如太山吾所見乃冰山也皎日
太明則此山誤人爾及第授華陰
尉令守不法彖曰大丈夫拘於下
位若立身矮屋中使人搥頭不得
遂拂衣歸嵩山

永山難倚子能知如此嵩山只合歸莫恨
有頭擡不得擡頭處更危機

玉有太平字

開元元年中雨過地裂有光宿
衛奏之上令鑿地得玉一片如拍
板樣上有古篆天下太平字百僚
稱賀收之內庫

瑞玉天開此日奇分明中有篆文題翠華
不作西南幸肯信漁陽有鼓鼙

美人呵筆

李白於便殿撰詔誥時天寒筆凍
莫能書字帝敕宮嬪十人侍左右
執牙筆呵之遂取而書其受聖眷
如此

凍筆能回雪殿春君恩珍重遣宮嬪金花
牋上清平樂倚得詞工却誤人

射團

宮中造粉團貯金盤中以小角弓
射之中者得食蓋滑膩而難射也
四海昇平征戰息宮中行樂外間無粉團

滑膩猶
愁殺胡兒憶塞酥

風流陣

明皇與貴妃酒酣統宮妓小中貴
排兩陣於掖庭目為風流陣攻擊
以戲

兩陣雌雄禁掖間紛紛攻擊寸心寒風流
天子貪行樂不作伊川被髮看

失題

膩粉勻成玉筋垂春風面面曉粧遲粧成
圖得君王顧却為君王識別離

遊仙枕

龜茲國進枕一枚若枕之則十洲
三島四海五湖皆在夢中帝名為
遊仙枕

一枕仙遊足自娛蕭然清思離塵區十洲
三島經行處知有岷峨劍閣無

失題

至上元

炬紅燭圍於左右

六軍難解驛門圍此日回頭事事非千炬

搖紅成底用腥羶夜逐月明歸

金函

明皇憂勤國政諫無不從或有章
疏規諷貯金函中日置左右時取
讀之

山水有圖無逸換錦坊興廢變初終咸陽
父老能言語不在金函諫疏中

移春檻

楊國忠子弟每春至求名花異木
植於檻中板為底木為輪使人牽

之所至檻在目前即便歡宴目為移春

東來西去木為輪異草名花易地春未必乾坤闢氣數世間何事不由人

辟寒犀

開元二年冬至交趾國進犀一株色黃如金盤置於殿中溫溫然有暖氣襲人上問其故對曰此辟寒犀也

迢迢交趾到長安黃色如金眼不看闔殿

春回人未覺外間何處不風寒

有脚陽春

宋璟愛民卹物朝野歸美謂璟為
有脚陽春○宋璟求致仕表云臣
霜毫生領雪刺滿頤求退

有脚

開元人物曉天星滿頤

雪刺歸何處坐看秋風入禁庭

紅冰

楊貴妃初承恩與父母別泣涕登
車時天寒淚結為紅冰

當年召入即承恩何事登車却斷魂只道
紅冰生別淚不知殺氣滿乾坤

失題

五擲金錢為戲蓋孤悶無所遣也
六宮粉黛謾三千妃子椒房寵自專應恨
長門鎖秋鬢君恩也賜洗兒錢

長湯十六所

華清宮中除供奉兩湯外別有長
湯十六所嬪御之類浴焉

賜浴華清總有名長湯十六更泠泠可憐
洗胡塵一點腥

失題

貴妃至七月七日夜
宮遊宴各捉蜘蛛閉小合
視蛛網為得巧之候

蛛絲卜巧對西風歲歲佳期此夕同誰道
禁宮天共遠他時言語出臨邛

蕭水厓詩集拾遺卷中

蕭水厓詩集拾遺卷下

九世從孫蕭

毓謹編
敏拜刊

七言律詩

贈鄧景憲

兩山不隔一層雲
金鯽池邊夜打門
袖有新詩期短鬢
室無奇字枉芳樽
客程懷抱仍春潦
人事間關可夢魂
離合悠悠自生理
別情吟恨不堪論

次李玉峯見寄

四方上下忽相從君信西來我信東
剡雪不乘清夜興軍山依舊夢魂中
合離有數機如髮歲月無情鬢欲翁
斜照一林雲百樹吟筒翻作遶愁筒

赴官舟中

蟄龍初動雨崢嶸黃濁連宵與樹平
路入峽頭天一握夢回蓬背月三更
江村無復魚鹽市客飯初嘗菌蕨羹
小泊橋南沽斗酒一街燈火灌嬰城

東邵中立

金鯽池邊傷晚風蓮花峯下倚長松水程
半月孤蓬雨客飯渾家野寺鍾心事歲寒
詩眷屬鬢根秋色老形容片雲影裏湖湘
隔莫愛新吟寄短封

遊蘇仙山

壇下松聲江上潮壇前天近北風高山腰
洞黑藏丹竈雲頂秋深落石挑逕理偷生
雖世論離羣獨立亦人豪仙家儘有青精
飯不與吟翁綠鬢毛

至日次韻

混闢無窮運以剛積陰打底有微陽驅馳
道路年光晚收拾身心意味長三日南風
天不雨一編周易鬢微霜乾坤只在梅花
上梅不能言心自香

次府教一覽亭韻

秋膺重疊有誰編客意難憑燕子傳欲送
寒衣仍冷雨稍疑飛霧近南天楊花舞歇
春無力湖水空明晚自煙日日詩筒星火
急吟憲禿盡筆鋒尖

興寧界上

壓腦文書坐得牢偶然散誕此江皋一春
冷雨鶯花老十日新晴麻麥高鳥跡寫留
倉頡字草香擷出屈平騷不知何許縲車
動又送新絲入鬢毛

縣圃白蓮

四柱茅亭秋一間
礪冰琢玉照乾坤
香分韓壽春衫味
花帶萇弘冷袖痕
奔月蛻餘仙去骨
凌波招得別來魂
今宵睡足敲窓雨
家在西湖水滿門

丁巳除夕

放春過了雪猶初
枝北枝南開未曾
風雨閉門人守歲
江淮斷道士推冰
說三生夢溪橋酒
抄一年詩紙帳燈
世事正長雙鬢短
客床無寐曲寒肱

贈人

湘楚源頭第一枝
黃雲黑霧雨淋漓
天公有眼能青白
世路無情謾嶮巇
塲屋秋風三島夢
江湖夜雨四愁詩
蒼台翠竹簷聲裏
重瀹茶甌當酒卮

過衡山

此是湘南第幾程
楚天空曠入深溟
九千丈月照衡嶽
八百里程歸洞扉
恨入江籬騷骨冷
夢回湘竹淚花青
客中揔為貪程熟
落棗風高我自醒

次丁宣尉韻

城郭秋深鵲樹空
練衣不抵夜來風
鴈何去處有書下
蟹幾時來無酒中
生事比梅仍向北
歸心如水平東蒼
厓翠竹雲根屋
擘畫殘年飯韭松

題雲心適楚吟藁

披翠重陰一握天舊來此地著吟仙自題
淮海短長句又柳江二百年夜雨滋蘭
深屈畹春風種橘長蘇泉監州文米推南
阮夔後留看適楚編

報恩荷池納涼呈雲心

重入僧牕聽雨眠藕花只在客床前囊空
不欠蘇秦舌口渴頻呼陸羽泉十里湖光
天半席一闌秋影月初弦新涼風物無人
共坐聽微鍾祇自憐

七月十五夜雲心邀泛北湖

涼透秋衣不忍眠更何處覓蘂珠仙水光
夜氣無三伏人影花陰共一船菱藻有香
風四合地天無際月雙圓碧筒賸對青山
吸此樂人間幾百年

再韻呈雲心

西風日日枕書眠自笑仙城著懶仙
深水已無東野俸剡溪空趁子猷船
詩名入社平生欠鄉夢驚秋昨夜圓
念我衰顏君萬里可憐懷抱更中年

次趙東林韻

錦袍公子三生夢又墮歌羅古驛中天上
無情覆手雨人間有恨打頭風晚花留日
明深樹枯澤田潮起蟄龍草草官稱今髮
白年時悔不事猿公

寄曾翠屏

天亦何曾忘此翁頻紅留待醉春風剩吟
詩在何妨老只欠官稱未是窮五夜月痕
雲一角十年風物鬢雙蓬
倘有江船吾亦東

梅

不受世間塵土浣山之南北水之涯識中
庸裏有素隱恠小雅中無白華半點精神
春滴淅一寒風骨雪槎牙淡粧人去羅浮
遠腸斷東風壁月斜

再為梅賦

誰遣巫陽招爾魂春從九地到孤根靈均
清節離騷囿司馬深衣獨樂園吟客謾能
工水月先儒曾此識乾坤鴈行却以山磬
進未許涪翁謂至言

雪

吹萬不同無數風人間遂有水晶宮玉龍
夜戰三更月鐵馬秋行萬里空老盡蓬心
松柏獨起來蒿目地天通蘭亭儘足方金
谷只詫麤人論未公

挽彭復雅二首

已哭芸兄又哭君眼中何得更沾巾死無
家貨營磚甃生有詩名動縉紳豈亦雕鏤
傷你壽不然滇漢妬斯人不忘有子今傳
業依舊寒林一氣春

又

隔月日前猶得書說貧說病兩劬殫祇言
未晚休文瘦不料竟成長吉殂空有淚花
愁宿草可無哀些折生芻平生交舊銘幽
筆今代蕭臺有大蘇

送呂秘書中歸清涼二首謫汀自便
曾剔寒燈讀奏篇先生有膽大如天忠言
流落古無此佳士行藏今偶然諸老與公
扶一世十圖為世作千年向來魂夢江閩
隔信有三生問字緣

又呂有十圖行于世

蒼玉亭邊借屋居春風忽許賦歸歟鄰翁
爭挈葫蘆酒息女催擎筍籠書百世不磨
公論在一城相語笑顏舒茲行奇絕君恩
重壓落梅花照筍輿

次龔象湖韻二首

一盂野飯落閩州篁竹煙莎屋壓頭學問
無窮吾輩老乾坤能大此身浮客憲書傳
青燈雨故國溪山黃葉秋羨子清吟如玉
雪枯腸塵土不堪搜

又

剝水殘山欲盡頭
肯披蓬藿訪深幽
買鹽沽酒三家市
劈箭驚雷一水秋
袖裏我無區冊序
脚跟君有子長遊
是間尚有堪吟處
莫向西風怨滯留

送易齋何倅官滿歸括蒼

壁立屏星照古郵
兩年霹靂快頻呻
圓珠山下月初曉
蒼玉洞前梅自春
冰雪要教醒醉眼
乾坤何可少斯人
葛強舊是樽前客
欲化為龍柰此身

歸自城外

山園不斷似勾欄路入蒼雲八百盤塔頂
受風鈴語急樓高有日鵲巢寒薄書衮衮
蟻旋磨歲月匆匆船下灘兩度梅花猶是
客夢隨飛翼度嶺岼

次使長勸農喜晴韻

日日巡簷聽雨聲春郊忽為使車晴醉翁
之意不在酒造物於人亦有情天日開明
吾道泰詩書談笑孽因驚吟成自對春風
笑却恐高瓊意未平

山下

山下人門白板扉
畦蔬遶屋水田肥
五更花信雷初動
一月春晴燕未歸
官備不儲囊粟俸
兒寒猶補海圖衣
山禽不語如相好
聽我勞歌賦式微

次使長蒼玉亭

詩律崢嶸壓島郊
險如百二據秦馭
鄒枚一座風流集
陳郭千年道義交
公筆欲傾河漢倒
我才如種石田礲
山城斗大春風足
阿閣終須著鳳巢

使長初約客觀文殊寺牡丹忽有走

數種自小洛陽來者觴于東山堂席

上賦

野寺留花待使君山堂忽放洛陽春數根
綠護封枝蘚一騎紅飛置驛塵金帶巧傳
天上信玉酥終作鼎中珍預愁幾日都飛
去定梁公是正人

使長遣和再韻

胡床少住許諸君綵服移來有腳春濃露
洗空妝帶酒暖風吹動襪生塵聖賢清濁
杯中物賓主東南席上珍品格只從根撥

見先生端是識花人

和張倅韻

微官元不療寒飢憂樂相從賴有詩萬里
功名看末路百年事業有殘碑文嫌累氣
傷雕組語要驚人欠崛竒湖海平生有今
日白頭何處覓新知

睡起

薄酒匆匆與睡謀夜長無寢怯更籌要喚
早起還多事浩笑春來失自由雪禁好花
偏耐晚雨肥枯澗已堪舟自怜跬步元嬰

閣未有新詩續舊遊

和孫竹雲道士先墳種松韻

秦嶺蒼髯鐵色僊却將翁仲作忘年移將
根去親陪土化作楊公種玉田客子有懷
悲故壑清明無酒哭蒼天感君此計能千
載獨立斜陽詠此篇

孺子亭

湖上花藤絡樹身傍湖鷗鳥識遊人兩京
寂寞有前哲一榻風流無後塵史牒不名
為隱逸公心豈自少經綸卷藏獨向茲丘

老歲歲祠前荷芟春

送實堂吳帥歸天台二首

歸轡忽報出山城
笳鼓旌旗送若迎
滿擔圖書仍語錄
全家風雨又山程
行須有用藏非損
來本無心去亦輕
家裏湖山元不惡
知公久笑憶尊羹

又

天台一萬八千丈
玉立人間第一流
士要著書歸亦樂
道堪傳世外何求
能令不作三公耳
且共相看一笑休
渺渺層雲雙目

短幾時歸鴈落滄洲

次黃園漕幕韻

花如墮珥草遺簪次第東風轉作南巢鷺
欲飛看八八徑香不斷勝三三著亭屈折
誰心計隔竹推敲客手談安得身閑携斗
酒趁他姚魏戰紅酣

蘇雲卿

洪厓仙入舊隱處遶舍畦蔬藤一枝君房
自致台鼎位伯也差為兒女知鴻飛千里
避戈繳魚潛九淵驚釣絲歆寧優劣金在

地世上只賞桐江祠

和晏司法吳城山道中韻三首

椎鼓發船催出城平安街子報歸程紅闌
碧水旗招醉綠樹黃鸝盡寫生為有詩情
渾不惡便無官事也堪行一樽細共燈前
說此夕星河爛熳明

又

十幅風帆十丈桅空明雙眼洗塵開壓枝
梅大宜羹鼎貫柳魚肥更酒杯檣燕可能
留客住沙鷗只道為詩來剡舟不作興盡

返見說龍公也自猜

又

蹴天浪入白雲層四野都無一寸青挾萬
斛行風有力看千人聚地成形廬峯映日
開天繪石磬沉淵記廟靈欲洗吏塵何日
得摩娑坡句傍危亭

和李後林賀黃後谷漕薦韻

愛君滿腹貯精神王翰當年願卜鄰一日
雄文誼上國三生太史屬前身獵心勃鬱
驚殘夢新榜誇張說古人早作功名歸館

閣詩情莫淡薄書塵

送孫竹雲住浮雲觀

城郭塵埃心自村一生吟褐任乾坤江湖
處處客曾席風雨瀟瀟人閉門蕙帳曉空
雲出岫蕪城春老竹生孫詩囊挑入蒼烟
去誰管斜陽到韻軒

豐城慮囚和滕倅壁間韻

畧豹橫波壓石安小亭誰占此溪灣晨裝
帶月猶長道久夢隨雲又別山不敢告勞
吟歲晚未能免俗覺詩慳梅花樹下春風

酒小醉歸來未掩關

次滕倅夜登樓韻

湖邊四面小雲樓城上三更漏鼓秋月淡
無痕詩共好官清有味境能幽人間路絕
蓬瀛近木末天低宇宙浮喚醒塵勞枕中
茗西風黃葉正颼颼

題王衡甫吟藁

君家冠冕半山翁晚唱瀟波一洗空萬世
尚須觀往復一江元不隔西東松精入地
千年鵬翼垂雲萬里風安得共君秋月

底朗吟峯頂撼松公

漕園古梅

花身恹恹復奇奇幾度春風未入詩
列壘有丈蛇蛻殼剗心不死豹留皮
風流不在宮妝稱冷淡偏於晚歲宜
為怕清寒欺客袖一簷斜月立多時

代同官送方蛟峯二首

除書飛舞下元正人在金鰲背上行
班筭步聯黃閣近橐荷先照綠衣明
文章華國三千牘樽俎籌帷十萬兵
宣室席前應有

問願培元氣厚蒼生

又

蟠木離奇誰是客
詎圖燕谷亦春風
方臯相馬鸛黃外
康節識花根
撥中投士泥途
公為國讀書城
旦我何功只今
一辨南豐
在夾袋他年
願始終

贈張南溪

長鬣張郎詩骨
幅巾藜杖氣
仇仇老坡
言語妙百世子
美經行半九州
自笑我猶
為口累不應君
亦有羈愁眼
看塵土羞形

穢夢拘梅花雪上頭

輅新帥出城見梅

城裏康衢三寸埃出城江上有疎梅問公
安在見何晚似客可人期不來質白不隨
玄令改枝南還受北風開花前不作匆匆
醉却有新詩藉手回

送婁高士歸渝

我無可送全椒酒君有堪傳石鼎詩客裏
歸忙雲亦散吟邊相憶月明知出山似已
鑄成錯煮石尤來療得飢別挹未成先一

笑湖元交割付他誰

送黃仲與之崆峒任

平生場屋幾秋風三尺詞綾上界中筆力
健凌黃鷄子劍心雄邁白猿公差交人指
原夫輩蚤慕史稱儒者功夜半南雲瞻紫
氣知君長劍倚崆峒

送曾寺簿知南安二首

倦隨龍尾踏
撾却愛山城放早衙官好
何曾燔篁竹州清第一管梅花瀟翁道脉
猶今日鐵漢風聲想故家君去我留人自

恨春風祖帳滿東華

又

南豐事業炳如丹振起斯文一代看霄漢
行飛上鴻鴈盡圖盛事入衣冠旌幢有喜
春郊滿劍槊無聲夜峒寒小試淮陽君且
召金狨湖外等歸鞍

李鶴林田惠詩有孤山探梅之句用
韻為謝

向來山裏讀書房便是人間白玉堂地有
梅花三百本春回紙帳五更霜山林有約

八
米
聖
下
十六
孤陶令歲月無情老子長欲起林逋說香
影急須同買月中航

陳蒲塘送端硯用韻為謝

龍淵打底為誰來半瓦殘磚愧不才天上
分星涇水鏡人間有石等興臺忽驚萬里
詩翁眼如發千年地媪胎鬼奪客偷閑夢
寐吟邊時與理烟煤

再韻

真鹽鐵使有雲來多少人怜白樸才合起
閨班高處籍尚携檄筆外間臺勞君海恠

探龍頷贈我厨珍得豹胎又俸前詩清似
水通羣辟盡鎖牕煤

再韻賀得闕

日日邊書帶羽來時艱撐拓正需才我猶
不定轉五木君已高翔長一臺此日知心
魚在水他時得路鶴離胎江東日暮深雲
裏人醉冰臺擁麝煤

和蒲塘鄉飲酒席上韻

洛社當年留樣子客中正可飲亡何樽前
聊復會真率殿上相期待馭娖事意舊遊

忘覺改坐分前席覺年多西風管取都長
健更挿茱萸上鬼我

和羅澗谷寄以姑蘇舊遊韻

為雲舊欠四方從投老相逢稠載空吟榻
幾時今雨客塵襟一夏故人風長江秋色
煙波外落日漁家醉夢中無計事君吟得
好詩來面摺欲生紅

送官出守平江二首

天上紅雲第二班乞身祇要覓祠官清朝
得路古來有晚節全名人所難歇馬重來

森戟近携龜已放去船寬待公過關爭留
相溫國風流此日看

又

班玉通明散早朝春風桃李滿江皋自然
着我塵勞沒安得如公勇退高地近黃扉
纔一武天教清夢更三刀儀刑渴想催歸
袞只借闌門水半篙

同林城山楊學舟遊虎立

虎踞名丘往事賒勝遊千載梵王家山靈
舊出點頭石地妬曾埋解語花佛國憑空

雲入座劍池共汲水隨車吟人謾有興亡
感雪壁淋漓落陣鴉

九日拉管西窓諸丈游鳳石洞天酒
邊用草堂韻

巨靈擘畫境能寬吟似追隨亦可歡地有
此山開宇宙天留今日會衣冠石交可與
論千載歲晚相期共一寒山外黃塵深沒
馬澄潭聊復倚闌看

寄曾牧菴

丹林自語葉騷騷寒入江南入緼袍丘壑

風流須我輩，弓刀事業付兒曹。神靈助晉
天機轉，姪奴興周廟。筭高相不當侯，吾事
了不妨羹泡煑溪毛。

次曾漁磯賀得士贊音問韻

時危多難合驅除，安見嬌兒競挽鬚。支厦
可能扶緒漢，誓江猶欲活全吳。疑從馬革
無還璧，忽得蠅頭似串珠。君有詩來逾骨
肉，為君吟罷酒三呼。

請兵道中作

八表同昏草露深，西風愁絕不成吟。申包

胥有傷時淚南霽雲無食肉心日月重光
天與子山河正統古猶今微生千里間關
意淨洗妖氛待相霖

漁磯惠詩適聞王師過邑次韻作歡
喜口號

不是避名韓伯休避兵聊欲蔽林立天公
悔禍有今日臣子扶顛無半籌蒼玉硤鳴
春意動紅綿襖出霧痕收詩來適喜王師
至醉挿梅花舞白頭

春晴試筆

為喜逢春亦自憐
新晴風物此花前
蝶狂有意如耽色
樹老無枝莫記年
鍾虞塵深唐九廟
金銅淚盡漢中天
二三豪俊今何在
愁絕孤臣雪滿天

和本縣黎月罔勸農韻

白髮衰翁且翠顛
傷心難問屈原天
當時一聚如金谷
此日數間惟玉川
勸諫只今猶樂土
耕犂何地不炊煙
欲親偃室無公事
一段蛆心似壅泉

再韻謝黎月罔筆墨丹砂之貺

今君好賜及層顛
令我幽篁不見天
束縛遣前浮月窟
品題稱絕重黔川
藥來南海增新價
劑入西憲煮晚烟
惟有吟哦相報
答為君滌硯試新泉

寄羅澗谷

同是人間七十餘
相思無地問何如
倉皇空憶歸時別
契闊都無落筆書
去避兵長蓐食
邇來古地且巢居
題詩甲子應同
集便鴈相逢賴啓予

再韻

詩去詩來只月餘
渴心頻解沃心如居然
咫尺有萬里如此亂離無一書
山裏黃蘗猶可飽天涯白草更堪居
漢宮舊日煙花
造化胡寧亦忍予

又和

東南文物古遺餘
不料冠紳忽棄如門外
逢人作胡跪
官中投牒見番書
誰教天女解作俑
欲倩漁郎尋卜居
更欲久留觀此世
昌黎此語倍愁予

次黎宰併柬曾楚山二首

誰道行年值小遊轉添白髮上人頭擅公
上計無多子潘令吟情第一流四海交遊
驚鬼錄一身生死寄岑樓因公喚醒推敲
夢此夕燈前忘却愁

又

我耕枯旱不逢年君解畚瓢漲九淵道義
相忘床上下詩書有味蜜中邊向來湖海
魚千里此去功名馬一鞭坐想畫簾公事
少時將詩述破蒼煙

讀文山詩

退未能休進未前英雄到此亦堪怜此心
耿耿赤如日吾道悠悠蒼若天顧我尚堪
輸九死觀公端可愧諸賢新詩讀罷無誰
語欲折梅花意不傳

和周平洲韻

此日舊無靈運屐參差今有蓋頭茅自怜
後死罹兵革枉有閑愁上鬢毛淚盡不堪
懷故國詩來端喜得同袍梅花夾雪無饒
景惜許吟情與病遭

左臂痛

人生兩臂重天下濠上仙翁語意高不以
拾遺曾墜馬可教吏部廢持螯風寒欠護
知誰過藥果頻更籍汝曹安得慈悲有千
手一枝才是九牛毛

與劉兩峯

可竹詩來為說君來蘋宮冷尚疑塵人生
不幸有奇禍天道終當與善人蔡琰援琴
應製曲壽昌見母足娛親兩峯座上客常
滿芋栗杯盤日夜春

贈道士湖古澹

江湖千載吊沉筒楚俗今仍楚節供已分
三生委魚鼈肯爭一飽為蛟龍怜君客死
非吾土顧此首丘猶故封試問厭厭曹李
輩人間膏沐若為容

江行得水壓青天下小橋一句足成

唐律

老去無心任一瓢意行聊復侶漁樵雲迷
遠樹昏殘照水壓青天下小橋物我境空
鷄已木功名夢斷鹿猶蕉挿秧綠遍江南
岸又送年光入畫橈

次曾楚山

自笑憂兵閱四州此身只為苦吟留
林栖幾見蘆穿膝室毀欲無茅蓋頭
歲月巧將吾輩老江山喚起故人愁
詩來忽作山陰想問字敲門可得不

早起

參差曙色走歸雲落月猶高欲近人
客鬢已隨時事改風光猶逐世情新
孔方不是折簡客白墮真成入幕賓
忽有微吟生眼界山光遙映雨如塵

次楚山見寄

穿青度密且衡門剪紙誰招客子魂
少不若人傷老大死無容力為乾坤
一枰孰與危機活千古難磨此道存
前有長蛇後猛虎少陵只合老羌村

觀楚山關廟長篇記舊讀史成唐律
振世威名一寶刀紫髯鬱鬱見人豪
受恩劉氏心非二報效曹公義亦高
須信千年存廟食不應一死誤兒曹
江南處處新祠屋可使雄兵嘆不遭

次使長蒼玉洞韻

不是仙源不是村
千年霜壁樹蟠根
半山魚鼓動城郭
一日龍雷出洞門
雲似世情翻覆變
石如尊宿典刑存
摩娑蘚刻無窮意
時聽遊人自細論

書罷偶成

書眼猶明返照牕
西風離落已啼螿
放慵自覺閑居好
涉難爭期末路長
稍解忽飢知道進
未能守口坐詩狂
世間萬事如蓬轉
且對青山進晚涼

己卯秋社

社公水又一番新陣陣秋風入白蘋歸燕
去如秦逐客羈鴻哀似楚纍臣青山有約
堪娛老紅樹無情強作春好為麻姑問人
世如今幾見海楊塵

寄楚山

別後梅花幾度春催人年紀亦匆匆長如
此日易百歲未覺吾衰成兩翁曉鏡拂鬚
無可白霜顏壓酒不紅莫看談笑封侯
得留眼江皋送斷鴻

寄題崇仁吳甫伯壽康堂

五福難并壽且康如君有此扁斯堂喬松
歲晚不改色佳菊霜寒彌有香身健清樽
供笑詠眼明細字辨毫芒風流萬一成圖
畫容兩詩翁作鴈行

次劉蒼涯見訪

山裏清懷人得知地爐灰冷雪來時七年
有別君仍壯一事無成我自悲履穉應為
天下計縛鷄曾見故人詩欲談世事難相
就不為衝寒脚力疲

和燒捐拙韻

樵子歸來賴擔肩長鏡作我地爐緣深山
大澤蟄蛇虺冷窓凍壁生雲煙暗室長明
天不夜圍茶自煮客堪延窮吟自笑成寒
色不到琉璃玳瑁邊

題陳氏西園

舊賦西園墨尚新西園風物又精神子孫
相望百年事宇宙重回一氣春獨樂風流
今寂寞平泉言語謾悲辛兩家子弟材智
下撞破煙樓有幾人

壬午元日試筆有懷十翁楚山先生

兩章奉寄

年似渭濱人
樣子竹房深夜一燈青
老來有婦能言語
元亮無言亦典刑
詩到夔州尊絕倡
人瞻魯殿兀蒼冥
寫添澗谷成三老
洛下風流可得成

又

記前壬午甫能冠甲子
周回有此年方寸
可耕寧要地
須臾毋死尚觀天
史無一事賢黃憲
士有終身感魯連
萬里梅花一樽

酒清山不盡水無邊

秋燕

猶記東風社雨晴步欄辛苦得巢成依劉
信美非吾土去魯雖遲在此行生也有涯
同是客遊將去汝得無情烏衣巷陌休回
首興廢人間又一秤

壬午九日士資自廣運鉄南雄歸途
過家士贇士贇有詩因用韻

驚心節物首重回尚覺昏雲黯未開舊向
醉餘狂客帽今猶健在倒蓮臺菊如杜老

開偏晚客勝后山期不來碌碌阿奴俱在
目剩鋤菰韭種蒿萊

遊鳳石道院

山外西風掣大船懸崖一席鏡中天鳳何
年化石班駁龍有時回潭碧鮮暑空似經
靈運鑿蒼筤競著祖生鞭人知漁樂誰知
我度度歸時月滿川

寄彭梅莊

懶似嵇康多幾分絨情久不報慙懃人言
歲暮於吾子今見梅花疑是君歲月尚須

留我輩乾坤何可少斯文相期不作草中腐付與後來揚子雲

次韻荅徐毅齋

文印詩燈自正宗不忘生死訪衰翁樽前談笑有此客眼底輪囷亡是公兩世交遊明月共百年人物大江東吾生榮悴乖逢爾昨夜春風梅信中

溪行見落梅為賦

玉龍輕軟雪能乾好在晴沙野水看舞翠
夢回仙袂遠射鴈人去露簷寒連環骨冷

香猶暖如意痕輕補未完花自年年入自
老春風滿袖獨凭闌

蕭冰厓詩集拾遺卷下

附蕭粹齋庸言序

觀書貴乎有識而學者之病有二卑者安於故常高者喜於新奇安故常則踵訛而習陋喜新奇則創意而鑿說二者皆非也予於賴蕭君粹可交游二十載聽其議論輒佩服焉蓋其觀書如法吏刻深情偽立判搜抉微杳毫髮畢露有評詩廿餘篇條曰粹齋庸言乃其善者機耳如是而觀書真有識者也非安於陋喜於鑿者也君名士贊詩人冰厓公之子能詩固其餘事云臨川

草廬吳澄序

附蕭粹齋庸言序

畢

蕭永厓先生詩卷跋

詩有江西派而文法昌之
傳至章泉澗泉二先生
詩与道俱隆自二先生沒
中原文獻無足證江西宗
脉將間斷矣幸而二先生

所敬者有洵谷羅公在
觀之如宮壤間之魯靈
光也冰崖乃洵谷所爲
詩家因取其詩二十古卷
刊以示余迺虛空而闡
是音也觀其詩之以此

其人

歲在癸未清明日信
之弋陽疊山謝枋得
君直于龍虎山敬題
卷後

識冰厓公詩集拾遺

敏九世從祖冰厓公原有詩集廿六
卷此曰拾遺者二三什僅一二耳公
十一世祖原章府君在唐昭宗時由
吉水古富遷今樂安蕭坊子三人長
從龍公居浚源析山灣幼升龍公復
居古富次繼龍府君又遷今寧都蕭
田吾宗今蕃衍寧都者此其始祖也
歷又十世聖與府君號蘭坡生公兄
第四人長諱訊之號芸莊次諱正之

號雲山又次諱清之號愛山公居四
諱立之字斯立一諱立等號冰厓公
三子長諱士贊次諱士贊註李太白
詩有庸言集亦不傳又次諱士資皆
與草廬吳先生友善時聖與府君與
公兄弟子姓三世十五人並仕宋吾
宗于斯時號最盛公登方逢辰榜進
士止辰州通守宋祚移闔門歸隱盖
仍今蕭田舊業也公與愛山公之後
俱寢微集板藏于家者兵燹無存今

安土蕭田演派於良溪北溪麻溪韶
源益源邑聚族居者乃敏九世祖正
之府君與芸莊公之後也敏五世祖
廷顯府君違公方四世當

國朝洪武初知公詩見重於時求全集
已不可得乃遺言於高祖國材府君
訪公友人之後于金陵與得公集竟
未能而不返正統丙辰曾祖子盛府
君命祖大章府君游學湖湘構公詩
始得今集之半先君乘龍仲父元龍

徧求又得如舊之半從叔儀鳳岐鳳
嘗請序於一峯羅先生欲梓弗果敏
承之歸安兄毓携是集來編謀冀得
全庶成先志因赴省召迄今全未能
得時不可已廼償工刻之謹題曰拾
遺中間字多舛訛脫落不敢正之補
之者不能也姑闕以俟於乎天不欲
使公之全集傳于後天不必賦公之
美材見于世材美既見詩鳴于時而
後世不得傳繼嗣者之愆繼嗣之不

幸也何求之累世而得之幾許耶雖
然公之英異集之拾遺可見矣公之
履歷終始生娶卒葬家乘已詳矣公
之為丈夫邑之鄉賢有祀矣公之派
芳李太白詩註匹休世世矣公集之
全遺公何損益哉繼嗣者不能得其
全繼嗣者之不幸而有愧於公萬萬
矣謹撫公世之先後公集拾遺之源
委拜書卷末用詔源源繼嗣者有所
思而世最之公之靈異蓋不泯公之

全集終或可得昔歲之弘治乙丑八
月中秋九世從孫敏頓首謹識于蜀
瀘治之政一堂